



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Iprensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Approbatio.

**urn:nbn:de:hbz:466:1-39351**

## APPROBATIO.

**L**ibrum, cui Titulus *Corneli Jannsenij Augustinus Europaeus &c* Ingenti studiō, industriā & labore à Rev. Adm. ac eruditissimo Patre PHILIPPO VAN WAVRE, Provinciæ nostræ Flandro-Belgicæ, Ordinis Eremit. S. P. Augustini, Diffinitore, S. Theol. in almâ Universitate Lovaniensi Licentiato, Professore, Studiorum quondam Regente, Novitiorum Magistro &c. elucubratum, & compositum, attentè, ac mature consideravi, & publicâ luce dignum judicavi, ut potè aptum, qui multorum filiorum corda ad communem Patrem Romanum Pontificem convertat, & ad sinceram, plenamque Sedis Apostolicæ obedientiam reducat. Ità censeo, & voveo dic 16. Februarij 1709. Bruxellis ad S. Apolloniam.

FR. FRANCISCUS PAUWENS in Alma  
Universitate Lovaniensi S. T.  
Doctor, Professor, nuper Studiorum  
Regens, ac Provincia Diffinitor.

## APPROBATIO.

Admodum Reverendi ac Eruditissimi Patris  
Magistri Ex-Provincialis EMMANUELIS  
BALLEXO Ordinis Erem. S.P. Augustini  
S. Theologiæ Licentiati.

Cum attentione singulari legere incepi librum,  
cui Titulus: Cornelij Jansenij, Irenensis Episcopi, Au-  
gustinus Europaeus perperam dictus &c. Operâ ac Studiō Fra-  
nis PHILIPPI VAN WAVRE, Ord. &c. Et cum magno  
gaudio lectionem istam finio: nam in primis nihil con-  
tinet Fidei, Ecclesiæ Diffinitionibus, vel bonis moribus  
contrarium, sed in omnibus positivè consonum. Nam  
in primis apprimè secernit Augustinum Europæum per-  
peram dictum ab Augustino Africano, & Irenensem ab  
Hipponensi, hoc est, hæreticam à Catholica de Christi  
gratia doctrinam, &c., ut verbo dicam, Author Erudi-  
tissimus verificat Libri sui titulum. Non declinat ad dex-  
tram nec ad sinistram, sed consistens in sana & tuta  
media veritatis via, devitat errorum extremitates duas.  
Habent hīc avitus Academicus, Palladius, Vincentius  
Palæologus, alijque Cornelij Jansenij Leer-damensis  
vindices, quod rimentur, & mirentur. Habent am-  
plam impugnandi materiam, &c., si possint expugnare  
(quod nec creditur, nec speratur, nec timetur) ma-  
gnam Vincendi causam. Habent S. Augustini Filij, &  
Discipuli genuinam & avitam magni Parentis & Docto-  
ris sui maximi de gratiâ Salvatoris Jesu Doctrinam, quam  
Ecclesia fecit suam. Quarè Librum hunc prælo, & Au-  
thorem ipsum ex hoc litterario prælio redeuntem Lau-  
ro dignissimum censeo. Dabam andæ die 20. Martij  
1709.

FR. EMMANUEL BALLEXO S. Theol. Licent.  
& Prov. Flandro-Belgicæ Ord. Eremit.  
S. P. Augustini Ex-Provincialis.

## APPROBATIO.

**L**iber, cui Titulus *Cornelij Jansenij Augustinus Europaeus &c.* tam profundâ Eruditione referetus est, ut veritatis amator à lectione illius non nisi difficulter queat auelli; hac potissimum luxuriantium ingeniorum tempestate, quâ inæqualiter æstuantii Jansenianæ Pentadis procœlā incauti facile mergantur naufragantium opinionum oceano; quem feliciter enavigat Rev. Adm. atque Erud. Pater PHILIPPUS VAN WAVRE Operis Author Doctissimus. Dabam Antverpiæ 12. Aprilis 1709.

FR. GERARDUS MELYN Ord. FF. Erem.  
S. Aug. in Alma Univ. Lov. S. T. Doctor.  
& Conventus Antverpiensis Prior.

**Q**UOD Plurimorum votis jam pridem expetitum est ( scilicet discernere Augustinum Hipponensem ab Ippensi ) operosè, ac studiosè agit hic Liber Compositus à Reverendo Admodum ac Eruditissimo Patre PHILIPPO VAN WAVRE Ord. Erem. S. Augustini S. Theol. Licent. & Provinciae Flandro-Belgicæ Diffinitore &c. Qui diuturnâ Lectione Augustinum sibi admodum Familiarem reddidit. Datum Lovaniï die 17. Aprilis anno 1709.

FR. NICOLAUS DE TOMBEUR S. Theol. Lic.  
& Professor in Universitate Lovaniensi.

FR. PETRUS HOYDONCK S. Theol. Lic. &  
Prof. ac Studij Lovaniensis Regens.

FR. THOMAS SAN-TERRE S. Theol. Lic. ac SS.  
Litterarum Professor in Univ. Lovaniensi.

**Q**uis defæcatissimam , ac saluberrimam M. Augustini Hippomensis de gratiâ Doctrinam , Augustino Irenensi apertissime contrariam , clarè & solidè demonstrari desiderat , Eruditissimum Admodum R. P. PHILIPPI VAN WAVRE Ordinis FF. Eremitarum Sancti Patris Augustini S. T. Licentiati Lovaniensis , & Provinciæ Flandro-Belgiæ Diffinitoris Opus (Cornelij Jansenij Irenensis Episcopi Augustinus Europaeus perperam dictus &c.) Evolvat , oretque , ut eumdem Spiritum intelligentiæ accipiat , quem ille accepit , ut scriberet : & eamdem illuminationis gratiam adipiscatur , ut discat , quam ille adeptus est , ut doceret : dabam Brugis 17. Martij 1709.

FR. AUGUSTINUS SPICKET ejusdem Ordinis,  
S. T. Licentiatus Lovaniensis & in  
Conventu Brugensi Prior.

**S**ummâ cum voluptate manum adhibens correctri-  
scem evolvi Opus cui Titulus: Cornelij Jansenij, Iren-  
ensis Episcopi , Augustinus Europaeus , perperam dictus &c.  
Textus Jansenianos , quos habet author , in fonte con-  
sulens deprehendi feralem Jansenij Pentadem è Libro  
Jansenij cui titulus : Augustinus &c. legitimè excerptam ,  
ab Augustini mente penitus errabundam , hujusque In-  
clyti Doctoris argumentis funditus convulsam ac ever-  
sam ; adeòque non immerito Petri mucrone jugulatam ,  
fulmine vaticano prorsùs exustam , atque consumptam .  
vii plura ? FR. PHILIPPUS VAN WAVRE S. T. L.  
Author Operis Eruditissimus Turrim fortitudinis ipsa M.  
Parentis Augustini de Gratiâ per se & ab intrinseco effi-  
caci dogmata tenens & exinde cuncta hostilium maibi-  
namenta telorum celestis juvaminis virtute confringens non  
solum ipse de Jansenianis erroribus victoriam referens trium-  
phavit , quin etiam posteris certandi & vincendi ordinem ;  
si quando victa pravitas recidivò ausu infandum caput engere  
niteretur , ostendit . S. Fulg. lib. 2. de Ver. Præd. cap. 18.  
dabam Antverpiæ 17. Aprilis 1709.

FR. JOANNES LIBENS Ord. Erem. S. P. Aug.  
in Alma Univers. Lovan. S. T. L. & Prof.

## APPROBATIO.

Jansenismum Arnaldus *Phantasma*, Nicolius *Hæresim imaginariam*, Alius *Chymæram*, singuli ipsò libri sui titulō, dixerunt; quippè doctrinam in 5. famosis propositionibus damnatam Jansenij librō non contineri, nec ab ejus Defensoribus sustineri, sed ab iis omnibus ècontra damnari contendentes: & hæc quidem rectè, si propositiones istæ sensu Lutheranò, aut Calvinianò in celebri *sensuum distinctione*, vel in 17. Epistolâ Provinciali exhibito, aut sensu gratiæ necessitantis, damnatae forent: & consequenter, si ejusmodi sensus esset *obvius quem ipsamet propositionum verba præ se ferunt*. Cum verò minimè talis sit, sed manifestè sit alienus & Propositio-nibus istis affictus, illō damnatō salva manebat doctrina in 5. Propositionibus damnata; dumque dicebatur *pax*, *pax*, non erat *pax*, sed ferale bellum, eoque feralius quod sub maximè specioso veritatis Augustinianæ adeòque Catholicæ pallio, doctrina ista damnata fovebatur ac propagabatur. Sed ecce huic gravissimo scandalo auferen-do valdè utilem operam navavit hujus Operis, Cornelij Jansenij Irenensis Episcopi Augustinus Europæus perperam dictus &c. Eruditissimus Author, qui in magni sui & Ecclesiæ Patris ac Doctoris scriptis eximiè versatus, demonstrat doctrinam 5. Propositionum intellectarum in sensu obvio quem ipsamet propositionum verba præ se ferunt, in Janseniano libro tradi, eam ipsam ab Augustino improbari, & à Jansenio aliisque ejus defensoribus eidem S. Patri non nisi per falsas interpretationes attribui. Dabam Mechliniæ hac 15. Aprilis 1709.

L. C. DE DECKER Decanus  
Metropolitanus, judex & exa-  
minator Synodalis.

## APPROBATIO.

**L**egi Librum, cui titulus: *Cornelij Jansenij Irenensis Episcopi Augustinus Europaeus perperam dictus &c.* In quo Author attingit scopum suum, summâ Eruditione & soliditate convincendo, quod quinque famosæ propositiones damnatae in libro Jansenij contineantur, & quod doctrina S. Augustini sit planè opposita Jansenij Doctrinæ. Insuper digressio Operi adjuncta patefacit & convellit effrænem defensorum Jansenij linguam de Jesu Christi Vicariis, B. Petri Successoribus, Pontificibus Romanis. Unum tantummodo timendum, ne eruditus hic Author adversarios nanciscatur, de quibus S. Augustinus lib. de naturâ & gratiâ cap. 25. *procliviores* sunt quærere potius quid contrâ ea respondeant, quæ suo objiciuntur errori, quam intendere quam sint salubria, ut careant errore. **Datum** Mechliniæ 15. Aprilis 1709.

JOANNES BAPTISTA DE SMET S. T. L.  
Canonicus S. Rumoldi, Preses Seminarij Archi-Episcopalisi.

## APPROBATIO.

**L**IBER cui Titulus *Cornelij Jansenij Iprensis Episc., Augustinus Europaeus &c. Operâ & studio FR. PHILIPPI VAN WAVRE Ordinis Eremitarum S. Augustini &c. Imprimi poterit. Actum Antverpiæ 13. Aprilis 1709.*

ARNOLDUS EYBEN

*Librorum Censor.*

## SUMMA PRIVILEGII REGII.

**C**AROLUS III. Dei gratiâ Hispaniarum , & Indiarum Rex Catholicus , ac potentissimus Belgarum & Burgundionum Princeps , Diplomate suo sanxit , ne quis intrâ sexennium citrâ voluntatem & consensum *Joannis Pauli Robyns* Typographi Antverpiensis , Librum , cui Titulus : CORNELII JANSENII IPRENSIS EPISCOPI AUGUSTINUS EUROPAEUS PERPERAM DICTUS , &c. Authore Rev. Adm. & Erud. P. PHILIPPO VAN WAVRE Ord. FF. Erem. S. Aug. S. T. Lic. &c. in Belgio imprimat , aut alibi impressum in has inferiores Germaniae Ditiones importet , venalemve habeat. Quis secûs faxit , exemplarium confiscatione , aliâque gravi poenâ mulctabitur , ut latius patet in litteris datis Bruxellis die 15. Aprilis 1709.

*Signatum*

LOYENS.